



Broj/Broj: **03/1-50-14-7-10/12**  
Sarajevo/Sarajevo, 15. 2. 2012. godine

**PREDMET:** Informacija o studijskoj posjeti u organizaciji Ženevskog centra za kontrolu Oružanih snaga - DCAF

Članovi Zajedničke komisije za odbranu i sigurnost BiH (ZK) su, 13. i 14.12.2011., posjetili Ženevu i Bern u okviru studijske posjete koju je za članove ZK i službenike iz Ureda sekretara organizirao Ženevski centar za kontrolu Oružanih snaga DCAF. U delegaciji su bili članovi i osoblje Ureda sekretara Zajedničke komisije: Dušanka Majkić, predsjedavajuća, Beriz Belkić, Borislav Bojić, Nermina Zaimović-Uzunović, Krunoslav Vrdoljak i Mehmed Bradarić, članovi ZK, Željko Grubešić, stručni savjetnik, Jovica Katić, stručni saradnik te Boško Šiljegović, parlamentarni vojni povjerenik.

Ženevski centar za civilnu kontrolu oružanih snaga (u daljnjem tekstu: DCAF) organizirao je dvodnevnu studijsku posjetu Švicarskoj za članove Zajedničke komisije za odbranu i sigurnost BiH. Studijska posjeta realizirana je kroz jednodnevni program profesionalnog usavršavanja u Ženevi, koji se tiče nadzora sektora sigurnosti, te jednodnevni seminar u Bernu, gdje se razgovaralo o švicarskim vanjskim i sigurnosnim politikama.

Cilj studijske posjete bio je da omogući razmjenu znanja zasnovanih na iskustvima zemalja, u primjeni mehanizama nadzora, kao i da se razmotre najbolje prakse u upravljanju sigurnosnim sektorom i njegovom legislativom, te pokretanje rasprave o konkretnim pitanjima značajnim za parlamentarce iz Bosne i Hercegovine.

### **13.12.2011. Ženeva**

Uvodne napomene o cilju studijske posjete dao je Darko Stančić, pomoćnik direktora DCAF-a i šef Odjela za operacije u Jugoistočnoj Evropi koji je saradnju ZK i DCAF ocijenio jako dobrom, partnerskom i obostrano korisnom. Naglasio je da u naredne tri godine ženevski DCAF ima osigurana sredstva za rad u regionu jugoistočne Evrope, a da će se težište u

definiranju i realizaciji zajedničkih projekata staviti na Bosnu i Hercegovinu, Srbiju i Makedoniju.

Nakon uvodnih izlaganja održana su tri panela o temama iz sektora sigurnosti.

Prvim panelom o temi: “Nacionalna sigurnost pod parlamentarnim nadzorom” predsjedavao je ambasador Gregor Zore, DCAF.

O temi Evropska kretanja u Holandiji prezentaciju je imao Vim van Ekelen, predsjedavajući, bivši holandski ministar odbrane i bivši generalni sekretar Zapadnoevropske unije, a govorila je i Dušanka Majkić, predsjedavajuća Zajedničke komisije za odbranu i sigurnost BiH.

O rizicima korupcije u javnim nabavkama u sektoru odbrane i dobrim praksama u osiguranju integriteta govorio je Todor Tagarev, DCAF, vanjski viši saradnik za odbrambeni menadžment, a o ulozi parlamenta u suzbijanju korupcije prof. dr. Damir Grubiša, šef Odjela za komparativne politike, direktor Centra za Evropske studije, Fakultet političkih nauka, Zagreb, Hrvatska.

O temi: „Vođenje parlamentarnog nadzora“ govorio je Hans Born, viši saradnik u Istraživačkom odjelu, DCAF.

O temi: “Policijska reforma i saradnja na Zapadnom Balkanu” govorio je Anton Travner, šef DCAF-a u Ljubljani, šef PCC Sekretarijata za Jugoistočnu Evropu i viši saradnik za Program granične sigurnosti i policijske reforme i saradnju na Zapadnom Balkanu.

Tokom navedenih panela razgovarano je o temama koje su uže vezane za aktuelno stanje i pozitivna iskustva u Bosni i Hercegovini.

#### **14.12. 2011. posjeta Bernu**

Tokom posjete Bernu domaćin članovima ZK bio je ministar Pedro Zahlen, šef Međunarodne sigurnosne sekcije i zamjenik šefa za sigurnosnu politiku i krizni menadžment.

Nakon uvodnog dijela i riječi dobrodošlice održana je panel-diskusija o temi: “Švicarska vanjska i sigurnosna politika”.

Moderator panela bio je Mihele Koduri, zamjenik šefa Međunarodne sigurnosne sekcije, Odjel za sigurnosnu politiku i krizni menadžment.

O švicarskoj sigurnosnoj politici – proces uspostave govorio je Bruno Rosli, zamjenik šefa Odjela za sigurnosnu politiku, a o temi: “Švicarska politika u Jugoistočnoj Evropi” Raphael Nägeli, Regionalni koordinator za Jugoistočnu Evropu.

U popodnevним satima članovi ZK posjetili su Švicarski federalni ured za civilnu zaštitu gdje ih je primio Roland Bolin, šef Uprave, Federalni ured za civilnu zaštitu.

Govorio je o strukturi Civilne zaštite, rizicima u Švicarskoj te zaštititi ključne infrastrukture.

Članovi ZK su tokom posjete Bernu imali susret s Jakobom Fincijem, ambasadorom BiH u Švicarskoj Konfederaciji.

**Zaključak:**

Studijska posjeta u organizaciji Ženevskog DCAF-a realizirana je u skladu s prethodnim dogovorom i definiranim ciljevima posjete. Osigurani su kompetentni predavači i sagovornici kao i vrijeme za razgovor i razmjenu iskustava o pitanjima kojima se bavi Zajednička komisija za odbranu i sigurnost BiH.

U prilogu informacije nalaze se prezentacije koje su članovima ZK bile dostupne tokom studijske posjete.

PREDSJEDAVAJUĆA KOMISIJE  
**Duška Majkić**

Dostavljeno:

- naslovu
- a/a